

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
 fax: + 387 33 552 810
 selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
 fax: + 387 33 552 810
 dzenita@sogfbih.ba

Sadržaj biltena:

Vlada FBiH donijela odluku o usvajanju Kodeksa sa Savezom	1
Stav Komisije za ekonomski razvoj općina i gradova vezano za dostavljene izmjene i dopune Zakona o pripadnosti javnih prihoda	1
Projekat GAP II organizovao završnu Konferenciju za nečelnike partnerskih općina	2
Sedam općina u FBiH dobile visokoprecizne GPS sisteme	2
Općina N.Sarajevo održala Dan otvorenih vrata povodom dobijanja Beacon statusa	3
U Olovu se gradi hotelsko-turistički kompleks vrijedan 100 mil KM	4
Delegacija iz Piranskog zaljeva posjetila Općinu Srebrenik	5
Potpisan Memorandum o razumijevanju za razvoj biciklističkog turizma na BH olimpijskim planinama	5
Općini Ilida uručen certifikat standard i sistema okolinskog upravljanja	6
U Hadžićima podignuta najveća zastava BiH	6
Za projekte mladih u Općini Kladanj obezbjeđeno 50.000 KM	7
U Orašju otvoren Centar za poduzetništvo vrijedan 400.000 KM	7
Nagrađen projekat Općine Tomislavgrad	7
Pušten u rad elektronski registar dozvola u B.Krupi	8

Bilten Saveza općina i gradova Federacije Bosne i Hercegovine

VLADA FEDERACIJE BIH DONIJELA ODLUKU O USVAJANJU KODEKSA SA SAVEZOM OPĆINA I GRADOVA FBiH

SARAJEVO, 27. septembar/rujan – Vlada FBiH, na današnjoj, 62. sjednici u Sarajevu donijela je Odluku o usvajanju Kodeksa o međuadministrativnim odnosima između Vlade Federacije Bosne i Hercegovine i Saveza općina i gradova Federacije Bosne i Hercegovine, te za njegov potpis ovlastila premijera FBiH.

Kodeks polazi od činjenice da je lokalna samouprava jedna od fundamentalnih vrijednosti ustavnog poretka u Bosni i Hercegovini i FBiH. On uzima u obzir ustavni položaj FBiH, njenih kantona, gradova i općina, te određivanje budućeg razvoja lokalne demokratije u skladu s principima koji polaze od Evropske povelje o lokalnoj samoupravi.

Uz to, uzima u obzir potrebu za kontinuiranim procesom decentralizacije funkcija i, u skladu stim, stvaranje sistema finansiranja koji će garantovati široku samostalnost i značajniju ulogu lokalne samouprave.

Cilj ovog dokumenta je i olakšavanje procesa izrade i donošenja politika i propisa u Federaciji BiH.

Potpisnici Kodeksa vjeruju da su kontinuirana, institucionalna komunikacija i saradnja važni preduslovi za izvršavanje ustavom i zakonima povjerenih zadataka u najboljem interesu građana, te su uvjereni da će ovaj dokument smanjiti nesporazume i sporove između ova dva nivoa vlasti.



STAV KOMISIJE ZA EKONOMSKI RAZVOJ OPĆINA I GRADOVA I FINANSIJE PRI SAVEZU OPĆINA I GRADOVA FBiH VEZANO ZA DOSTAVLJENE IZMJENE I DOPUNE ZAKONA O PRIPADNOSTI JAVNIH PRIHODA FBiH



Na sjednici Komisije za ekonomski razvoj općina i gradova i finansije, održanoj 9. avgusta/kolovoza u Sarajevu, vođena je rasprava o dostavljenim izmjenama i dopunama Zakona o pripadnosti javnih prihoda

u Federaciji BiH, koje je izradila Radna grupa za analizu i pripremu rješenja u oblasti javnih prihoda u Federaciji Bosne i Hercegovine i izradu prijedloga novog Zakona o pripadnosti javnih prihoda u Federaciji Bosne i Hercegovine.

Na osnovu rasprave vođene na sjednici zaključeno je sljedeće:

1. Član 1. izmjena i dopuna Zakona nije dovoljno definisan. Potrebno te da se izradi detaljan spisak svih javnih prihoda.
2. Savez općina i gradova FBiH nastaviti će da se zalaže za povećanje procenta udjela od prihoda sa Jedinstvenog računa, te se od ovog zahtjeva neće odustati.
3. Potrebno je insistirati na rješenju pitanja otplate vanjskog duga u Federaciji BiH kako je zaključeno na sastancima Radne grupe.
4. Savez i dalje insistira da se jedinicama lokalne samouprave u Kantonu Sarajevo dodijeli postotak od Poreza na dohodak kao i ostalim jedinicama lokalne samouprave u FBiH.
5. Neophodno je u završnim odredbama predvidjeti novu analizu Zakona o pripadnosti javnih prihoda u FBiH nakon cenzusa, te nakon urađene analize poštovati podatke iz popisa stanovništva.
6. Potrebno je insistirati na reformi Poreza na imovinu, te njegovom jedinstvenom uređenju na području Federacije BiH.
7. Zaključeno je da u ovom trenutku nije pravi moment za izmjene indeksa razvijenosti s obzirom na negativne efekte koje bi se prouzrokovale u prihodima pojedinih općina. U trenutku krize i opšteg pada prihoda na svim nivoima bitno je zadržati stabilnost projekcija prihoda.

Ozvaničen završetak pilot projekta efikasnijeg korištenja energije	8
Delegacija grupacije SIAC iz Italije u posjeti Općini Bosanska Krupa	9
Potpisan sporazum o bratimljenju između Grada Sarajeva i Grada Pule	9
Delegacija vijećnika Grada Istanbula u posjeti Sarajevu	10
Video nadzor u Novom Sarajevu zamjenjuje policajce	11
U Živinicama potpisani ugovori za 53 projekta izgradnje ulične rasvjete po principu marka na marku	11
LAF Study Tour on Waste Management	12

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.chc-bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eursmed.com
www.eacea.ec.europa.eu

Navedeni satelitski prijemnici su namijenjeni za rad u mreži permanentnih stanica, a predstavljaju najmodernije dostignuće tehnologije u ovoj oblasti. Tačnost koju instrumenti uz pomoć mrežnih korekcija dostižu je ispod 2 cm.



Sa primopredaje satelitskih prijemnika i terestričkih instrumenata

PROJEKAT GAP II ORGANIZOVAO ZAVRŠNU KONFERENCIJU ZA NAČELNIKE PARTNERSKIH OPĆINA

SARAJEVO, 28. septembar/rujan – Projekat upravne odgovornosti (GAP II) organizovao je danas u Sarajevu završnu konferenciju za načelnike partnerskih općina.

Cilj ovog skupa je pregled onoga što su 72 partnerske općine postigle u zajedničkom radu sa GAP-om, te definiranje njihovog budućeg djelovanja kako bi se nastavile reforme koje je inicirao GAP.

Američka organizacija za međunarodni razvoj (USAID), Švedska agencija za međunarodni razvoj (SIDA) i Ambasada Holandije obezbijedile su po 10 miliona dolara za finansiranje druge faze projekta GAP.

GAP je pomogao da partnerske općine bolje i efikasnije pružaju usluge svojim građanima, unaprijeđena je transparentnost i odgovornost pri donošenju odluka, povećani su kapaciteti za efikasno upravljanje ljudskim i kapitalnim resursima, te je podržan politički i fiskalni okvir neophodan za odgovornu lokalnu upravu.

Projekat je intenzivno sarađivao sa načelnicima, lokalnim upravama, savezima općina i gradova, civilnim društvom i privrednim zajednicama, kako bi strukture uprave u BiH usaglasili sa standardima transparentnosti, odgovornosti i efikasnosti Evropske unije (EU).

Sve obuhvaćene općine pokazale su veći nivo efikasnosti i zadovoljstva građana, što je direktno povezano sa intenzitetom podrške koju je tim općinama pružio GAP.

Obraćajući se u uvodu konferencije, direktor Projekta GAP Boris Maslo, kazao je da je ovaj



Načelnik Općine B. Petrovac, Ermin Hajder prezentira rad Saveza općina i gradova FBiH

projekat ostavio dubok trag, dokazujući običnom čovjeku da je bolje sutra u BiH moguće. Istakao je da su pred GAP-om postavljena dva osnovna cilja: poboljšanje kvaliteta usluga koje općine pružaju građanima, te stvaranje pravnog i fiskalnog okvira koji vode ka odgovornom demokratskom upravljanju.

Partnerskim općinama, putem Projekta GAP pružena je vrlo sofisticirana tehnička i materijalna pomoć, uključujući i prenos neophodnih stručnih znanja putem raznih vidova edukacije.

Učesnicima konferencije obratili su se ambasadori donatorskih zemalja - SAD Patrick Moon, Švedske Bosse Hedberg i Holandije Juriaan Kraak.

SEDAM OPĆINA U FEDERACIJI BOSNE I HERCEGOVINE DOBILE VISOKOPRECIZNE GPS SISTEME

U prostorijama Federalne uprave za geodetske i imovinsko-pravne poslove je 21. septembra/rujna izvršena primopredaja satelitskih prijemnika i terestričkih instrumenata, koji su pribavljeni u okviru realizacije Plana rada Uprave za 2012. godinu.

Oprema je namijenjena za općinske službe nadležne za poslove održavanja premjera i katastra nekretnina. Općine obuhvaćene ovim projektom su: Foča – Ustikolina, Hadžići, Kiseljak, Ravno, Šapna, Stolac i Tešanj. Direktor Federalne uprave za geodetske i imovinsko-pravne poslove Željko Obradović je istaknuo da je ovo način da se zaokruži već uspješno realizirani projekt uspostave mreže permanentnih stanica – BIHPOS.

Prema njegovim riječima, Federalna uprava za geodetske i imovinsko-pravne poslove će u narednom periodu putem donatorskih sredstava nastojati osigurati dovoljan broj GNSS prijemnika, čime bi se omogućilo da većina katastarskih ureda u FBiH bude opremljena najnovijom opremom, a sve u cilju što tačnijih i kvalitetnijih terenskih mjerenja, kao i ažurnijih katastarskih podataka.

Prisutnima se obratio i načelnik općine Hadžići Hamdo Ejubović, koji je istaknuo svoje zadovoljstvo i zahvalnost za donaciju koju je Uprava osigurala za katastarsku službu ove općine.



FGU
Federalna uprava za geodetske i imovinsko-pravne poslove

Od strane predstavnika ostalih općina koje su obuhvaćene ovom donacijom, također je istaknuta zahvalnost i podrška budućim projektima ovog tipa.

Navedeni satelitski prijemnici su namijenjeni za rad u mreži permanentnih stanica, a predstavljaju najmodernije dostignuće tehnologije u ovoj oblasti. Tačnost koju instrumenti uz pomoć mrežnih korekcija dostižu je ispod 2 cm. Radi što efikasnije primjene geodetskih instrumenata, izvršit će se i obuka osoblja koje će ih koristiti, te je osigurana tehnička podrška u periodu od dvije godine.

Dobavljač opreme "GeoKOM" d.o.o. Sarajevo po potrebi će biti dostupan za pružanje dodatne pomoć. Inače, riječ je o firmi koja je generalni zastupnik i distributer geodetske opreme Leica geosystems AG iz Švicarske, koji su također implementirali kompletan sustav permanentne mreže FBiHPOS i SRPOS.

Iz ove firme naglašavaju da su uređaji koje je nabavila Federalna geodetska uprava visokoprecizni GPS sistemi koji rade u mreži permanentnih stanica i koji omogućavaju veoma brzo centimetarsko pozicioniranje.

"Što se tiče praćenih signala to i nije najbitnija stvar jer u BiH je postavljena mreža permanentnih stanica zadnje generacije koje imaju samo par zemalja u svijetu i oni primaju signale GPS-a i GLONASS, kao što će moći primati nadolazeći evropski GALILEO i kineski KOMPAS satelitski sistem", ističu iz GeoKOM-a.

OPĆINA NOVO SARAJEVO ODRŽALA DAN OTVORENIH VRATA POVODOM DOBIJANJA BEACON STATUSA

NOVO SARAJEVO, 27. septembar/rujan – Učešćem u šestom krugu projekta Beacon šeme, koji je proveden 2011. godine Općina Novo Sarajevo predstavila je svoju dobru praksu, te je u maju/svibnju 2012. godine, dobila prestižno priznanje „Beacon status 2011/2012. godina“ za temu „Planiranje i usvajanje budžeta u lokalnoj zajednici“.

Tim povodom, danas je u prostorijama Centra za razvoj karijere Novo Sarajevo upriličen Dan otvorenih vrata u cilju širenja dobre prakse i razmjene pozitivnih iskustava sa drugima, gdje će predstaviti svoja dosadašnja iskustva, usvojena rješenja i ideje koje se mogu primijeniti i u drugim jedinicama lokalne uprave. Današnjoj manifestaciji prisustvovali su predstavnici općina i gradova iz Bosne i Hercegovine, a u ime Općine Novo Sarajevo prisutnima je dobrodošlicu poželio Općinski načelnik Nedžad Koldžo.

„Dobiti Bikon status je čast, a posebna čast je dobiti ovaj status u segmentu kreiranja budžeta, jer ako pođemo od činjenice da svaka vlast se mjeri na tome kako primjenjuju budžet, u tom slučaju ova nagrada i ovo priznanje potvrđuje da su našli dobar primjer koji se može upotrijebiti na području cijele BiH“, istakao je načelnik Koldžo.

Prisutnima su se obratili i Amir Kupusija, predstavnik Saveza općina i gradova Federacije BiH i projekt menadžer Bikon šeme, te Edina Habibija, pomoćnica načelnika za privredu i finansije Općine Novo Sarajevo, čija je služba zaslužna za dobijanje jednog ovako prestižnog priznanja. Nakon obraćanja gostiju i domaćina, upriličena je i kratka prezentacija o dobrim praksama, pozitivnim iskustvima i idejama Općine Novo Sarajevo, a kada je u pitanju „Planiranje i usvajanje budžeta u lokalnoj zajednici“, nakon čega je uslijedio i razgovor sa gostima iz drugih lokalnih uprava.

Zašto je Općina Novo Sarajevo – Beacon općina za 2011/2012 godinu iz oblasti 'Planiranje i usvajanje budžeta u lokalnoj zajednici'

Općina Novo Sarajevo je samoinicijativno osmislila i uspostavila finansijski softverski program kao polazište za planiranje i usvajanje proračuna i potvrdila vrijednost svoje prakse, predstavljajući aspekte strateškog liderstva, konzultacija, provedenih aktivnosti, te informacije o zadovoljstvu građana.

Kao prva općina u Federaciji BiH koja je sačinila vlastiti finansijski softver za planiranje i izvršavanje proračuna, timskim kreiranjem proračuna pojačala je i odgovornost svih sudionika u procesu planiranja i usvajanja proračuna. Novouspostavljena praksa u ovoj općini postala je dio sustava, a ne stvar volje pojedinca, što je važan korak u održivosti i institucionalizaciji prakse.

Svi aspekti konzultacija i partnerstva s građanima su planski, što je dodatna kvaliteta u smislu jačanja održivosti same prakse, kao i stalne želje da se građani uključuju u proces donošenja dokumenata značajnih za funkcioniranje lokalne zajednice.

Provedene aktivnosti od strane Općine Novo Sarajevo, u procesu planiranja i usvajanja proračuna, sadrže neophodne dokaze, pri čemu se planiranje i izvješćivanje koriste kao glavni alat u izvršavanju proračuna. Pokazana je veza između subjekata u oblasti planiranja i usvajanja proračuna i korisnika usluga općinske administracije.



Grb Općine Novo Sarajevo

„Dobiti Bikon status je čast, a posebna čast je dobiti ovaj status u segmentu kreiranja budžeta, jer ako pođemo od činjenice da svaka vlast se mjeri na tome kako primjenjuju budžet, u tom slučaju ova nagrada i ovo priznanje potvrđuje da su našli dobar primjer koji se može upotrijebiti na području cijele BiH“, istakao je načelnik Koldžo.



Sa manifestacije Otvorenih vrata



Građani su zadovoljni sudjelovanjem u planiranju i usvajanju proračuna, investicijama i komunikacijom s predstavnicima općine, dobijenim informacijama i drugim oblicima njihovog sudjelovanja. Anketiranje i javne konzultacije su najčešći alat traženja mišljenja građana u pogledu planiranja i usvajanja proračuna. Posebna kvaliteta je činjenica da se o prijedlozima građana kao partnera odgovara pisano o razlozima zašto su njihovi

prijedlozi prihvaćeni ili odbijeni. Građani su bez sumnje partneri lokalnim vlastima kod planiranja i usvajanja proračuna i aktivno su uključeni u proces njegovog donošenja.

Neophodne informacije o svakom segmentu planiranja i usvajanja proračuna mogu se dobiti od uposlenih u općini, čime se potvrđuje da se ovoj oblasti pristupa sveobuhvatno, kontinuirano i s ciljem stalnog unapređenja.

Općina Novo Sarajevo uspostavila je različite vidove partnerstva u svezi s planiranjem i usvajanjem proračuna. Uvažene su inicijative, informacije i prijedlozi građana, uposlenika, nevladinih organizacija, međunarodnih organizacija, mjesnih zajednica. Razrađene metode ispitivanja zadovoljstva korisnika usluga predstavljaju posebnu kvalitetu. Detaljno su dokumentirane i planski rađene. Rezultati istraživanja zadovoljstva korisnika su dokumentirani, veoma uredno složeni i javno se objavljuju (putem web stranice, medija i dr.)

Kao metodu razmjene svoje dobre prakse Općina se opredijelila za studijske posjete i radionice s namjerom predstavljanja svih modula kreiranih u okviru financijskog softvera.

U OLOVU SE GRADI HOTELSKO-TURISTIČKI KOMPLEKS VRIJEDAN 100 MIL. KM

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Kompanija Prominvest, graditelj impozantnog hotela Garden City u Konjicu, u narednom periodu planira uložiti 100 miliona KM u izgradnju novog turističkog kompleksa u Olovu.

Ovom investicijom obuhvaćena je izgradnja modernog i ekskluzivnog turističkog kompleksa-hotela sa pet zvijezda uz prateće sadržaje (bazeni, wellness, sportsko rekreativni tereni, ekskluzivni restorani, kuglana, INZAR i drugi sadržaji).

Kompleks će se graditi na lokaciji Olovске luke u Olovu, pored nedavno otvorenog proizvodnog kompleksa Prominvest Stupčanica. Graden City 2 u Olovu će zauzimati površinu od 40.000 m², sa osam etaža površine preko 30.000 metara kvadratnih. Kapacitet je projektovan na 400 soba+25 apartmana.

Projekcija investicije na bazi planiranog kapaciteta i karakteristika prelazi iznos od 100 miliona KM. Uzimajući u obzir investicije u oblasti turizma ovo će biti jedna od kapitalnih i najozbiljnijih investicija u sektor turizma u BiH od 1996. godine.

Projektom je planirano upošljavanje oko 150 radnika i oko 400 vanjskih saradnika, odnosno kooperanata.

Prominvest je tokom 2011. godine ušao je novi investicioni ciklus. U kompaniji navode da su na osnovu analiza potencijalnih pravaca ulaganja odabrana drvna industrija i sektor turizma, a upravo Olovo omogućava optimalne uslove za razvoj ovih industrija.

Prije nekoliko dana otvoren je renovirani proizvodni kompleks Stupčanica, u kojem je smješten cijeli proces proizvodnje od trupca do finalnog proizvoda drveta. Nakon modernizacije pogona drvne industrije, uslijedit će realizacija turističkog segmenta.

"Olovo po sebi ima izuzetne preduslove za razvoj turizma. Izdašna i očuvana priroda, termalni izvori, blizina Sarajeva i Tuzle, tradicija banjskog turizma. Sve su to parametri koji su doprinijeli da baš Olovo bude sljedeća lokacija kompleksa Garden City 2", kažu predstavnici investitora.

Kompleks u Olovu će kapacitetom biti znatno veći od postojećeg u Konjicu, ekskluzivniji sadržajima te će obuhvatati širi sektor usluga.

Prominvest je jedna od vodećih proizvodnih kompanija u BiH. Preko 350 različitih proizvoda svakodnevno izlazi iz devet poslovnih jedinica, četiri proizvodna kompleksa sa više proizvodnih pogona.

Koliko je širok dijapazon djelatnosti ove firme, ilustruje činjenica da proizvode betonske željezničke pragove, betonske konstrukcije ali i mašinske dijelove, europalette, drvene lamelne grede, grantine kocke i ploče, fontane, pelet, armaturne mreže, protuprovalna vrata, trafo stanice. Poslovne jedinice preduzeća Prominvest nalaze se u Salakovcu, Jablanici, Konjicu i Olovu, a u njihova poslovna filozofija jeste da grade i razviju područja van većih centara, kako bi na neki način korigovali nerazvijenost tih područja, a ljudima pružili mogućnost da rade u vlastitom gradu. (eKapija)



Garden City II



Grb Općine Olovo



Olovo panorama

Savez / Zajedno za uređenu i razvijenu lokalnu samoupravu

DELEGACIJA IZ PIRANSKOG ZALJEVA POSJETILA OPĆINU SREBRENİK



Piranski zaljev

SREBRENİK, 02. oktobar/listopad – Proteklog vikenda općinu Srebrenik posjetila je delegacija privrednika iz Piranskog zaljeva, na čelu sa Gašparom Mišičem, podpredsjednikom Odbora za infrastrukturu i prostorno uređenje Parlamenta Republike Slovenije. Na sastanku su, pored načelnika općine Srebrenik, Mehmeda Bajrektarevića, prisustvovali i predstavnici Udruženja privrednika općine Srebrenik, budući da je glavna riječ bila o unapređenju saradnje u oblasti privrede, kulture i sporta. Članovi delegacije iz Piranskog zaljeva su nakon sastanka posjetili srednjovjekovnu tvrđavu u Gornjem

Srebreniku i obišli lokalitet planine Majevica na kojem je planirana izgradnja zimskog sportsko-rekreativnog centra. "Prijatno sam iznenađen dostignutim stepenom razvoja privrede i infrastrukture na području ove općine, koji predstavlja realnu osnovu za unapređenje saradnje između Kopra i ostalih gradova Piranskog zaljeva s općinom Srebrenik. Imajući u vidu prirodne ljepote ovog kraja, postoje realne šanse za uspostavljanje saradnje u oblasti zimskog i ljetnog turizma, ali i u oblasti poljoprivredne proizvodnje", rekao je Gašpar Mišič. Srebrenički privrednici su tokom razgovora sa svojim kolegama iz Piranskog zaljeva imali priliku upoznati se i sa slovenačkim iskustvima u korištenju sredstava iz predpristupnih fondova Evropske unije, a dogovorena je i načelna saradnja u oblasti turizma, kulture i sporta.



Srebrenik

POTPISAN MEMORANDUM O RAZUMJEVANJU ZA RAZVOJ BICIKLISTIČKOG TURIZMA NA BH OLIMPIJSKIM PLANINAMA

HADŽIĆI, 01. oktobar/listopad – Danas je na Igmanu u Hostelu Feri upriličeno svečano potpisivanje "Memoranduma o razumijevanju za razvoj biciklističkog turizma na planinama Bjelašnica, Igman, Jahorina i Trebević".

Memorandum su potpisali načelnici općina Hadžići, Ilidža, Stari Grad, Trnovo RS, Trnovo FBiH, Istočni Stari Grad, Pale, direktori OC Jahorina i Zoi '84, predstavnici Turističke organizacije Istočno Sarajevo, Turističke organizacije Trnovo, Biciklističkog saveza, Biciklističkih udruženja, Ski kluba Bjelašnica, MTBA, BK Jahorina i Trebević, NVO Horizont i CHAV -Asocijacija Zajednica planinskih općina pograničnog francusko-italijanskog područja. Potpisnici, svako u domenu svojih nadležnosti, učestvovali će u uspostavi novog turističkog proizvoda koji je rezultat zajedničke vizije olimpijskih planina i koji umrežava različite resurse teritorija: Sarajevo Olympic Bike Park.



Sarajevo Olympic Bike Park je integrirani sistem infrastruktura i usluga za ciklo turiste, koji obuhvata mrežu označenih staza, različite težine, za prakticiranje različitih disciplina (pretežno Cross country, Downhill i Freeride). Osim staza tu je i niz dodatnih usluga, kao što su najam bicikla i servisiranje, mjesta za pranje i popravak/održavanje bicikla (Skill Park). Downhill i Freeride staze će biti servisirane vertikalnim transportom, koji će se u ljetnom periodu aktivirati

kako bi se omogućio prevoz osoba i bicikla. Ova inicijativa je pokrenuta u okviru Programa SeeNet "Translokarna mreža za saradnju između Italije i Jugoistočne Evrope", u saradnji sa Regijom Piemonte, vođom akcije: Razvoj agroturizma u planinskim područjima u BiH. Program kofinansira Generalna direkcija za saradnju i razvoj pri Ministarstvu spoljnih poslova Italije (DGCS-MAE) a promoviše Regija Toscana u partnerstvu sa još 5 italijanskih Regija (Emilija-Romanja, Friuli-Venezia Giulia, Marche, Pijemont, Veneto) i Autonomna Provincija Trento.



Sarajevo Olympic Bike Park je integrirani sistem infrastruktura i usluga za ciklo turiste, koji obuhvata mrežu označenih staza, različite težine, za prakticiranje različitih disciplina (pretežno Cross country, Downhill i Freeride).



Hostel Feri



Grb Općine Ilidža

OPĆINI ILIDŽA URUČEN CERTIFIKAT STANDARDA EN ISO 9001:2008 I SISTEMA OKOLINSKOG UPRAVLJANJA EN ISO 14001:2004

ILIDŽA, 01. oktobar/listopad – Općini Ilidža danas je uručen certifikat prema zahtjevima standarda EN ISO 9001:2008 i Sistema okolinskog upravljanja EN ISO 14001:2004. od strane certifikacijske kuće „TUVadria“.

Certifikat je načelniku Općine Ilidža Senaidu Memiću uručio predstavnik certifikacijske kuće „TUVadria“ Muamer Peljto.

„Ovo je naša lična karta. Mi kao tim nastojat ćemo unaprijediti sve segmente rada Općine u cilju poboljšanja zadovoljstva svih korisnika, a nastojat ćemo uvođenjem okolinskog standarda podići i svijest o važnosti zaštite čovjekove okoline, kako uposlenika tako i građana.

Naša vizija će se nastaviti, a to je da imamo efikasnu administraciju, ekonomski jaku sa velikim brojem zaposlenog stanovništva, dobro riješenu infrastrukturu, razvijen turizam, kvalitetnu zdravstvenu i socijalnu zaštitu, uređen obrazovni sistem, bogat kulturni i sportski život u okviru ekološki očuvane cjeline“ izjavio je načelnik Općine Ilidža prof. dr. Senaid Memić.

Implementacijom ovih sistema upravljanja unaprijedit će se pružanje usluga građanima i nastojat će se uticati na svijest građana o okolinskom upravljanju. Kontinuirao će se raditi na prepoznavanju potreba i zahtjeva građana i korisnika usluga Jedinственог općinskog organa uprave.



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tasco.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Također, pobratimska općina Meram je dopremila kompletnu opremu za izgradnju ambulate porodične medicine u Binježu, izgradnju fontane u gradskom parku u Hadžićima i postavljanje jarbola

U HADŽIĆIMA PODIGNUTA NAJVEĆA ZASTAVA BOSNE I HERCEGOVINE

Na inicijativu općinskog načelnika Hamde Ejubovića i općine Hadžići, a u saradnji sa bratskom općinom Meram iz turskog grada Konye, postavljen je jarbol, te podignuta najveća zastava BiH.

Zastava je podignuta na Ban brdu iznad Hadžića, a postavljena je na jarbol visok 30 metara. Zastava je dužine 12 i širine 6 metara.

U izjavi za agenciju Anadoluja, te brojne domaće medije, načelnik Ejubović kazao je da je ova zastava simbol državnosti i poštovanja prema državi BiH. "Mi smo danas na najviši jarbol od 30 metara podigli najveću zastavu dimenzija 6 puta 12 metara. Namjera nam je da se poštovanje prema njoj i onome što ona predstavlja podigne na najviši nivo, puno veći od 30 metara", kazao je Ejubović. On je izrazio nadu da će ovaj primjer slijediti i drugi i na mnoga brda i planine podići zastave BiH, „kako bi se produbila državnost BiH“.

Ejubović je rekao da se ovim činom potvrđuje državnost BiH i najviše poštovanje koje se gaji prema njemu i prema domovini BiH. Dodao je kako je svjestan da ima onih koji smatraju da je država BiH neuređena, no naglasio je kako je to, ipak, „kaput koji su nam skrojili drugi“, ali kako „ćemo nastojati da taj kaput bude komotan i državno uređenje bude primjereno nama“. "Prilikom posjete Turskoj i našoj bratskoj općini Meram u Konyi, vidjeli smo njihov odnos prema zastavama. Onda smo tražili od njih da nam isporuče jarbol, te je on poklon bratske općine Meram. Mi smo ga postavili ovdje i na njega podigli svoju zastavu", istakao je Ejubović. Zastavu su, uz intoniranje



himne BiH, podigli učenici Srednjoškolskog centra iz Hadžića koji su ponos generacije 2012/2013 školske godine.

Također, pobratimska općina Meram je dopremila kompletnu opremu za izgradnju ambulate porodične medicine u Binježu, izgradnju fontane u gradskom parku u Hadžićima i postavljanje jarbola s reflektorima za noćno osvjetljenje i mehanizmom za podizanje zastave BiH.

Vrijednost donacije iz Merama za općinu Hadžiće je milion KM.



MERAM
BELEDİYESİ



ZA PROJEKTE MLADIH U OPĆINI KLADANJ OBEZBJEĐENO 50.000,00 KM

KLADANJ, 01. oktobar/listopad – Memorandum o razumijevanju na razvoju Programa Omladinske banke, na osnovu kojeg će se u naredne dvije godine realizovati 20 projekata koje će provesti mladi ljudi, potpisan je u Kladnju. Potpisali su ga Vesna Bajšanski Agić, izvršna direktorica Fondacije Mozaik i Fuad Imamović, Općinski načelnik.

Tom prilikom, načelnik Općine Kladanj, Fuad Imamović je kazao da „sve ono što smo vidjeli kroz praksu Fondacije Mozaik dovoljno nam govori da ćemo kroz ovaj Program zajedno sa mladima realizovati više projekata u interesu naše lokalne zajednice. Mi ćemo svim snagama i kapacitetima podržati ovaj Program uz podršku mladima da se jasno odluče koje projekte žele implementirati“.

Ovaj program ima za cilj da poveća učešće mladih u razvoju lokalne zajednice kroz aktivnu ulogu u procesima donošenja odluka, te da pruži podršku aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.

„Kroz ovaj Program Općina Kladanj će u naredne dvije godine izdvojiti po 15.000,00 KM i Fondacija Mozaik 14.000,00 KM. Sredstva će se staviti na raspolaganje mladim ljudima, Odboru omladinske banke i na taj način će se u naredne dvije godine finansirati dvadesetak projekata u iznosu preko 50.000,00 KM“ istakla je Vesna Bajšanski Agić, izvršna direktorica Fondacije Mozaik.

Programom Omladinske banke se želi pokazati da mladi ljudi nisu nezainteresovani, već da oni mogu biti rješenje za bolje sutra i da su to oni i danas.



Grb Općine Kladanj



U ORAŠJU OTVOREN CENTAR ZA PODUZETNIŠTVO VRIJEDAN 400.000 KM

U Orašju je 28. septembra/rujna otvoren Centar za poduzetništvo, u čiju izgradnju je uloženo 400.000 KM.

Osim Općine Orašje i Vlade Posavskog kantona, ovaj projekat podržali su i Razvojni program ujedinjenih naroda (UNDP), Udruženje za razvoj NERDA Tuzla, Federalno ministarstvo razvoja, poduzetništva i obrta, te Deutsche Gesellschaft Internationale Zusammenarbeit (GIZ) GmbH - projekat Jačanje lokalne samouprave u BiH (SLS).

Podrška GIZ projekta Jačanje lokalne samouprave realizovana je u okviru direktne podrške općinama u unapređenju organizacijskih struktura za upravljanje razvojem, kojom su, osim Općine Orašje, obuhvaćene i općine Teslić i Kozarska Dubica.

U Centru za poduzetništvo Orašje pružaće se pomoć i podrška obrtnicima, poljoprivrednicima, te malim i srednjim poduzetnicima, u unapređenju poslovanja, te pripremi i provedbi projekata koji bi se finansirali iz različitih domaćih i međunarodnih izvora. Poduzetnicima će na raspolaganju biti i informacije o dostupnim izvorima financiranja kao i savjeti o uspostavljanju poslovnih veza sa sličnim preduzećima i partnerima u BiH i inostranstvu.



Orašje, Centar za poduzetništvo

NAGRAĐEN PROJEKAT OPĆINE TOMISLAVGRAD




U suradnji s Fondovima za zaštitu okoliša FBiH i Republike Srpske, Jahorina Film Festival od ove godine dodjeljuje godišnje nagrade za najbolji ekološki projekt u BiH.

Od 20 nominiranih projekata, stručno povjerenstvo je odabralo deset najboljih projekata, po pet iz oba entiteta. Jedan od nagrađenih projekata, koji predstavljaju najbolje ekološke projekte u BiH za ovu godinu, je i projekt općine Tomislavgrad – Sustav vodoopskrbe Duvanjsko polje.

Uz predstavnike entitetskih ministarstava i fondova za zaštitu okoliša te brojne goste, dodjeli nagrada su nazočili

i svi oni čiji su projekti proglašeni najboljima, među kojima i općinski načelnik Ivan Vukadin sa svojim resornim pomoćnicima.

Jedan od nagrađenih projekata, koji predstavljaju najbolje ekološke projekte u BiH za ovu godinu, je i projekt općine Tomislavgrad – Sustav vodoopskrbe Duvanjsko polje.



Grb Općine Bosanska Krupa

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbib-mne.org
www.srb-bih.org
www.cbib-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

radi se o prvom projektu iz ove oblasti koji je realiziran na području općine Bihać, a kojem je implementator bila Lokalna akciona grupa „Una Sana“.

PUŠTEN U RAD ELEKTRONSKI REGISTAR DOZVOLA U OPĆINI BOSANSKA KRUPA

BOSANSKA KRUPA, 25. septembar/rujan – Zvaničnim puštanjem u rad Elektronskog registra administrativnih postupaka u Općini Bosanska Krupa, je implementirana još jedna faza Projekta regulatorne reforme koju zajedno sa Općinom sprovodi IFC, dio grupacije Svjetske banke uz pomoć donatora Kraljevine Švedske i Federalnog Ministarstva finansija Republike Austrije.

Elektronski registar predstavlja završnu fazu pojednostavljenja procesa izdavanja dozvola te smanjena troškova za privredne subjekte i građane Općine Bosanska Krupa.

Prezentaciju Elektronskog registra, čija je priprema završena u rekordnom roku od sedam mjeseci, predstavio je načelnik Općine Armin Halitović. Tom prilikom, poseban akcenat je dao na značajne uštede koje će biti ostvarene u privatnom i društvenom sektoru čime će biti olakšan rad svim privrednim subjektima i investitorima koji će doći u Bosansku Krupu.

Projektni menadžer IFC za Bosnu i Hercegovinu, Tarik Šahović u svom obraćanju se zahvalio načelniku i njegovim saradnicima te istakao da ovaj Projekat predstavlja dodatni korak Općine u naporima da pomogne privrednicima da prevaziđu trenutnu ekonomsku krizu.

Registar administrativnih postupaka nalazi se zvaničnoj web stranici Općine Bosanska Krupa na linku www.opcinabosanskakrupa.ba/bkregistar.



OZVANIČEN ZAVRŠETAK PILOT PROJEKTA EFIKASNIJEG KORIŠTENJA ENERGIJE

BIHAĆ, 25. septembar/rujan – U zgradi nekadašnjeg Higijenskog zavoda u Bihaću, danas je u prisustvu predstavnika općinske vlasti, UNDP-a i LAG-a „UNA SANA“ zvanično okončan pilot projekt efikasnijeg korištenja energije.

Prema riječima Šefika Veladžića, radi se o prvom projektu iz ove oblasti koji je realiziran na području općine Bihać, a kojem je implementator bila Lokalna akciona grupa „Una Sana“. Projekt je urađen u dogovorenom roku i predstavlja temelj za nastavak partnerstva s Općinom Bihać i UNDP.

Efikasno uvođenje novih izvora energije i novih tehnologija, nije samo zbog uštede energije, već i zbog značajnijeg opsega zaštite okoline, o kojoj svijet sve više vodi računa, kazao je Siniša Rodić, menadžer projekta o klimatskim promjenama i očuvanju životne okoline u okviru MDGF projekta UNDP-a.


Kako je kazao Rodić, brigu o ovim problemima ne vode samo bogate države, već i BiH, koja na ovakav način potvrđuje da je moguće imati odgovore na strateška pitanja energetske učinkovitosti i zaštite životne okoline.

Prema riječima općinskog načelnika Albina Muslića, ovaj pilot projekt je jako dobra poruka za budućnost energetske učinkovitosti, jer se s njim potvrđuje da je moguće, ali i da je poželjno stvarati velike uštede u potrošnji električne energije.

Kazavši da ovim putem Bihać nastoji afirmirati i poruke s nedavno održanog 10. Ekobisa, načelnik Muslić je naglasio potrebu značajnijeg povlačenja sredstava iz međunarodnih programa i zajedničkog rješavanja ovih strateški važnih pitanja.



S obzirom na uspješnost projekta na primjeru zgrade Higijenskog zavoda, Muslić je najavio nastavak projekta na zgradi Kulturnog centra i Umjetničke škole. Inače, postrojenje koje je izgrađeno u kotlovnici sadašnje zgrade u kojoj su smještene općinske i kantonalne institucije, koristit će pelet i u potpunosti je automatizirano. Tokom jedne godine potrošnja je okvirno planirana na 30 tona peleta, a tokom hladnih mjeseci zagrijavat će se oko 1000 kvadrata prostora u zgradi.



DELEGACIJA GRUPACIJE SIAC IZ ITALIJE U POSJETI OPĆINI BOSANSKA KRUPA



BOSANSKA KRUPA, 27. septembar/rujan – Tri miliona eura novih stranih ulaganja, izgradnja hale od skoro šest hiljada kvadratnih metara i zaposlenje oko 180 novih radnika u Bosanskoj Krupi, rezultat je višemjesečnih razgovora vođenih između općinskog načelnika Armina Halitovića, generalnog direktora grupacije SIAC iz Italije Giacinta Taiocchia i direktora preduzeća "Krupa –kabine" Seada Mujagića, koje djeluje u okviru grupacije.

U narednim danima počinje izgradnja, a za šest mjeseci će biti završena savremena proizvodna hala, koja će postojeće kapacitete preduzeća "Krupa –kabine", koje se inače bavi proizvodnjom kabina za radne strojeve i drugih proizvoda neophodnih za poljoprivredu i građevinarstvo, znatno povećati, a Bosanskoj Krupi i njenim stanovnicima obezbijediti nova radna mjesta.

Prilikom posjete Kabinetu načelnika Armina Halitovića, vlasnik grupacije SIAC Lorezelli Mauro je istakao kako od preduzeća "Krupa-kabine" žele napraviti kompaniju SIAC koja će imati dobre i zdrave radnike, povećati proizvodnju i stvoriti kapacitet i uslove kakvi trenutno postoje u Kini, Brazilu i Indiji gdje imaju sjedišta.

Također, izražena je spremnost za pomoć organu uprave u izgradnji i adaptaciji škola i dječijih obdaništa.

Investitori su značajan dio posla iz Italije i Slovenije već prebacili u Bosnu i Hercegovinu, odnosno u Bosansku Krupu. U narednom periodu će prebaciti većinu posla, što znači da će se stvoriti potreba za dodatnom radnom snagom.

Naglasili su da će se sve okončati u roku od šest mjeseci, a da će nakon što krene proizvodnja, ozbiljno razmišljati o izgradnji nove firme, lakirnice, koja će biti još većeg kapaciteta od „Krupa-kabina“.



vlasnik grupacije SIAC Lorezelli Mauro je istakao kako od preduzeća "Krupa-kabine" žele napraviti kompaniju SIAC koja će imati dobre i zdrave radnike, povećati proizvodnju i stvoriti kapacitet i uslove kakvi trenutno postoje u Kini, Brazilu i Indiji gdje imaju sjedišta.

POTPISAN SPORAZUM O BRATIMLJENJU IZMEĐU GRADA SARAJEVA I GRADA PULE

SARAJEVO, 21. septembar/rujan – Gradonačelnici Sarajeva i Pule Alija Behmen i Boris Miletić danas su potpisali Sporazum o bratimljenju između Grada Sarajeva i Grada Pule. Prema Sporazumu, gradovi će se zalagati za daljnje jačanje prijateljstva i unapređenje međusobne saradnje na svim područjima od interesa za građane Sarajeva i Pule. Također će razmjenjivati informacije i iskustva na područjima djelovanja u okviru nadležnosti gradske uprave: lokalna samouprava, kultura, obrazovanje, turizam, pitanja mladih, zdravstvo i socijalna politika, gradske javne službe, zaštita i očuvanje kulturno-historijskog naslijeđa, zaštita okoline, strategija razvoja malih i srednjih preduzeća, međunarodni odnosi, sport i druga područja od međusobnog interesa za oba grada.

Gradonačelnik Sarajeva Alija Behmen zahvalio je svima koji su doprinijeli da se današnjim potpisom na ovaj sporazumom formalizira intenzivna saradnja između Sarajeva i Pule, Kantona Sarajevo i Istarske županije, pogotovo u oblasti kulture, privrede i turizma. Kao jednu od oblasti saradnje naveo je dva filmska festivala - Sarajevo film festival i Pula film festival, za koje je izražena inicijativa o umrežavanju, a povodom 60. godišnjice festivala u Puli.

Gradonačelnik Pule Boris Miletić kazao je tom prilikom da građani Pule na spomen Sarajeva osjećaju pozitivnu emociju, te da je ovaj sporazum obostrani most saradnje između Pule i Sarajeva. „Vjerujem da ćemo ovim činom potaknuti naše kulturne djelatnike, omogućiti razmjenu studenata, kao i da djeca grada Sarajeva dođu na ljetovanje u Pulu, odnosno da djeca Pule provedu zimski raspust skijajući se na sarajevskim olimpijskim planinama. Možemo puno jedni od drugih naučiti ali i pomoći kad je riječ o pristupnim fondovima EU“, kazao je Miletić.



Potpisivanje sporazuma o bratimljenju Grada Sarajeva i Grada Pule



Grb Grada Pule



Grb Grada Sarajeva





Grad Pula

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

Zamjenica predsjedavajućeg Gradskog vijeća Grada Sarajeva Tatjana Ljujić - Mijatović podsjetila je kako je Gradsko vijeće u maju ove godine na prijedlog gradonačelnika donijelo odluku o bratimljenju Sarajeva i Pule. Time je, kako je kazala, snažno podržalo ciljeve navedene u danas potpisanom Sporazumu.

Predsjednik Gradskog vijeća Grada Pule Denis Martinčić podsjetio je kako dva grada imaju puno dodirnih tačaka, da mogu biti od velike pomoći jedan drugome te izrazio nadanje „da ćemo vrlo brzo zajedno biti u Evropi – zajednici ujedinjenih evropskih naroda“.

Inicijativa za bratimljenje Sarajeva i Pule potekla je prilikom posjete delegacije Grada Pule Gradu Sarajevu u julu prošle godine, a na temelju intenzivne i dobre saradnje koju dva grada ostvaruju već nekoliko godina. Inicijativu za bratimljenje podržala su gradska vijeća oba grada, te Vlada Republike Hrvatske i Ministarstvo vanjskih poslova.

Pored gradonačelnika Borisa Miletića u delegaciji Grada Pule se još nalaze: zamjenica gradonačelnika Vera Radolović, predsjednik Gradskog vijeća Denis Martinčić, pročelnik Kabineta župana Istarske županije Miodrag Čerina i pročelnik Ureda Grada Pule Aleksandar Matić.

Prijemu i svečanom potpisivanju sporazuma o bratimljenju prisustvovali su zamjenica ambasadora Republike Hrvatske u BiH Maja Foretić - Pečnik, zamjenici gradonačelnika Sarajeva Igor Kamočaji i Miroslav Živanović, zamjenici predsjedavajućeg Gradskog vijeća Tatjana Ljujić - Mijatović i Salko Nikšić, sekretar Gradske uprave Milorad Kojović i pomoćnici gradonačelnika Sarajeva, te predstavnici NVO-a „OXFAM“ i „USAID-Sida FIRMA projekta“.

Delegacije Grada Sarajeva i Grada Pule danas su također odale počast i položile cvijeće na Spomen-obilježje ubijenoj djeci opkoljenog Sarajeva 1992. – 1995. povodom 21. septembra - Međunarodnog dana mira.



DELEGACIJA VIJEĆNIKA GRADA ISTANBULA U POSJETI SARAJEVU



SARAJEVO, 26. septembar/rujan – Gradonačelnik Sarajeva Alija Behmen sa zamjenicama predsjedavajućeg Gradskog vijeća Grada Sarajeva Tatjanom Ljujić Mijatović i Salkom Nikšićem danas su upriličili prijem za višočlanu delegaciju gradskih vijećnika pobratimskog Grada Istanbula. Prijemu su još prisustvovali zamjenik gradonačelnika Miroslav Živanović, predsjednica i članovi Komisije za


međunarodnu saradnju Gradskog vijeća Lejla Somun – Krupalija, Igor Stojanović i Vedrana Vikić, te sekretari Gradskog vijeća i Gradske uprave Safet Krajišnik i Milorad Kojović. U istanbulskoj delegaciji se nalazi 17 vijećnika, a predvodi ih gradska vijećnica Derya Yanik.

Zamjenica predsjedavajućeg Gradskog vijeća Grada Sarajeva Tatjana Ljujić Mijatović gostima iz Istanbula je poželjela dobrodošlicu i ugodan boravak u Sarajevu, te ih je kratko upoznala sa funkcijama i djelovanjem Gradskog vijeća Grada Sarajeva.

Gradonačelnik Sarajeva Alija Behmen osvrnuo se na petnaestogodišnje pobratimske odnose između Sarajeva i Istanbula i saradnju koja je iz njih proizašla. Također ih je upoznao sa aktuelnim projektima Grada Sarajeva, među kojima su obnova sarajevske Vijećnice i revitalizacija trebevičke žičare.

Gradonačelnik Behmen vijećnike iz Istanbula je upoznao sa pripremama za projekat „Sarajevo – evropski most kultura 2014.“, te je uputio poziv pobratimskom Gradu Istanbulu da se određenim sadržajima predstavi na ovoj vrlo značajnoj i višestruko simboličnoj manifestaciji za Sarajevo.





Gradska vijećnica Derya Yanik zahvalila je u ime svoje delegacije na prijemu, te istaknula kako se njene kolege vijećnici u Sarajevu ne osjećaju kao stranci, posebno iz razloga što mnogi od njih potječu sa ovih prostora. Kazala je kako će poziv gradonačelnika Behmena prenijeti gradonačelniku Istanbula Kadiru Topbašu uvjerena kako će Istanbul podržati Sarajevo u njegovom programu 2014. baš kao što je podržao kandidaturu Sarajeva za Evropsku prijestolnicu kulture.

Delegacija gradskih vijećnika pobratimskog Grada Istanbula danas je obišla historijske lokalitete i neke od sakralnih objekata na području grada. Također će posjetiti Internacionalni univerzitet Sarajevo, Mostar i Blagaj, Počitelj, Dubrovnik i Srebrenicu.

Sarajevo i Istanbul su gradovi pobratimi od 1997. godine. Osim Istanbula Sarajevo je pobratim još sa Anarom, Bursom i Konyom iz Republike Turske.

VIDEO NADZOR U NOVOM SARAJEVU ZAMJENJUJE POLICAJCE

U općini Novo Sarajevo ove godine bit će uspostavljen video nadzor na pet novih lokacija. Radi se nastavku zajedničkom projekta kojeg su 2009. godine pokrenuli Gradska uprava Sarajevo, općina Novo Sarajevo i Novi Grad u sklopu kojeg je planirano postavljanje kamera na sve glavne saobraćajnice i mjesta javnog okupljanja.

Cilj ovog projekta jeste da se u saradnji sa policijskim upravama uspostavi bolji i efikasniji sistem zaštite javnih površina, sprječavanje narušavanja javnog reda i mira i preveniranje i otkrivanje počinilaca krivičnih djela.

Do sada je na području ove općine instalirano pet kamera, a naredne godine u planu postavljanje sedam novih kamera koje će pokriti 12 javnih površina.

Ove godine video nadzorom će biti pokriven most Ars Aevi, most Bratstva i jedinstva kod Ekonomske škole, raskrsnica na Čengić Vila (dvije kamere) i ulica u Velešićima pored direkcije Sarajevo-Gasa. Trenutno se provodi postupak javne nabavke, a odabir izvođača je 10. oktobra. U Drugoj policijskoj upravi nalazi se nadzorni centar, gdje se 24 sata prati ono što kamere zabilježe, pa u skladu s tim cilj povećanje opće bezbjednosti i sprječavanje krivičnih i kriminalnih djela.

Iz budžeta Općine Novo Sarajevo za ove svrhe planirano je 65.000 KM.

Postavljanje kamera na najprometnijim lokacijama pomoglo je policijskoj stanici u ovoj općini u rasvjetljavanju krivičnih djela i narušavanja javnog reda i mira. Dardagan, pomoćnik Općinskog načelnika ističe da jedna kamera zamjenjuje četiri službenika, što je od izuzetnog značaja ako se uzme u obzir činjenica da je nedostatak kadra veliki problem policijskih uprava.



Do sada je na području ove općine instalirano pet kamera, a naredne godine u planu postavljanje sedam novih kamera koje će pokriti 12 javnih površina.

U ŽIVINICAMA POTPISANI UGOVORI ZA 53 PROJEKTA IZGRADNJE ULIČNE RASVJETE PO PRINCIPU MARKA NA MARKU



U Općini Živinice su 21. septembra/rujna, potpisani Ugovori za 53. projekta izgradnje ulične rasvjete. Ukupna dužina nove rasvjete je oko 43 km a radovi će se izvoditi u 21. mjesnoj zajednici na području Općine Živinice. Vrijednost potpisanih Ugovora je oko 650.000 KM. Sredstva za izgradnju dijelom su obezbjeđena iz Budžeta općine a dijelom po principu "marka na marku". Ugovore je ispred Općine Živinice, kao investitora, potpisao općinski načelnik Hasan Muratović koji tvrdi da su ovi projekti "motor" razvoja Općine Živinice.

"Interes građana je ogroman, potpisali smo 53 Ugovora za oko 43 kilometara, a ako uzmemo u obzir broj kilometra javne rasvjete koje smo do sada uradili, izaći ćemo skoro na 300 kilometra javne rasvjete", kazao je između ostalog načelnik Općine Živinice Hasan Muratović.



Grb Općine Živinice



Živinice

Savez općina i gradova Federacije Bosne i Hercegovine

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nadite nas na facebook-u



POSJETITE NAS NA WEB-U

WWW.SOGFBIH.BA

LAF STUDY TOUR ON WASTE MANAGEMENT

Evropska komisija po drugi put ove godine organizira studijsku posjetu Briselu iz oblasti „Upravljanja otpadom“ (LAF Study Tour on Waste Management), koje će trajati od 28-30 novembra/studenog 2012. godine. Studijsko putovanje je namijenjeno učesnicima koji nisu učestvovali u ranijem LAF Study Tour.

Cilj studijskog putovanja je pružiti priliku za upoznavanje lokalnih i regionalnih predstavnika sa EU praksama u oblasti upravljanja otpadom. Također, imat će priliku da razmjene svoja iskustva sa kolegama iz zemalja EU. Studijsko putovanje je namijenjeno učesnicima sa područja Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija).

Krajnji rok za dostavu aplikacija je 26. oktobar/listopad 2012. godine.

Aplikacije možete slati na e-mail: DELEGATION-BIH-TAIX@eeas.europa.eu

Prva kontrola pristiglih prijava bit će provedena od strane EU Delegacije u BiH, a konačna selekcija pristiglih aplikacija bit će provedena od strane Generalnog Direktorata za proširenje sa voditeljima EUD Programa. Izabrani kandidati će biti direkto kontaktirani od Generalnog Direktorata za proširenje, zbog čega je potrebno da u aplikaciji obavezno navedete direktni broj telefona.

Troškove studijskog putovanja u cijelosti pokriva organizator.

Aplikacija treba da sadrži popunjen prijavni formular, pismo interesa i CV.

Jezik studijskog putovanja je engleski. Dakle, aktivno znanje engleskog jezika je preduslov za učesnike, s obzirom da će svaki pojedinačni učesnik biti aktivno uključen kroz rad u radionicama.

U slučaju da imate bilo koja pitanja u vezi sa aplikacijom, molim Vas kontaktirajte gđu. Esmiru Kesan na: esmira.KESAN@eeas.europa.eu

Također, ovu informaciju možete pogledati na našoj web stranici klikom [OVDJE](#) gdje se nalaze i potrebni dokumenti za aplikaciju.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

